

Segun Minister di Infraestructura Benny Sevinger

SOGA ta buscando financiamento pa construi centronan multifuncional

ORANJESTAD - Gobierno di Aruba a acudi na Parlamento pa pidi aprobacion pa firma un contract di 25 aña cu Stichting Onroerendgoed Aruba (SOGA) pa financiamiento. Minister di Infraestructura Benny Sevinger a indica cu SOGA ta responsabel pa busca e gruponan financiero pa por haya e palca pa financiamiento e construccinonan cu tin un costo di 22 mion florin.

FACILIDAD

Den e diseño cu a traha a tene cuenta cu e situacion di e barionan. Cada arkitecto cu a diseña e centronan aki a tene cuenta cu e parti di naturalesa cu tin den e alrededor di e edificio. Na mes momento a tene cuenta cu e consumo di energia. Tambe a tene cuenta cu e mantencion y e eficiencia di e edificionan. Tambe a

tene cuenta cu ta bay explota e edificionan aki. Tur esakianan a bay den documento cu Parlamento a ricibi. E arkitectonan aki a keda scogi a base di un destaho publico. E organizacion di architect a participa y nan mester a entrega un diseño y un comision a evalua cua ta esun cua entrega e miho diseño y ta cumpli cu e rekisitonan. Ingeniero Figaroa a keda selecciona pa e bario di Sta. Cruz, pa Savaneta ta Thijsen, Ingeniero Croes pa Paradera, pa San Nicolas compania di arkitecto Pimex y pa Noord ingeniero Hoevertsz. Awor aki a pidi pa SOGA keda cla cu e parti di financiamiento pa asina bay den e parti definitivo pa e pinturanan por bay destaho pa construccin cuminsa.

PRIJS DI HUUR

Durante e reunion a papia di e huur prijs di 55 florin pa meter cuadra. Sevinger a indica cu SOGA ta un organizacion cu no tin ganashi y basa riba esaki Gobierno tin nan como un partner den diferente proyecto. SOGA ta bay riba mercado y ta purba di haya e placa di financiadonan pa e proyecto na un prijs mas abou. SOGA actualmente ta hayando financiamiento pa 25 aña na un interes di 7 porshento. E mandatario a indica cu nan ta tratando pa reduci e interes aki mas ainda. Saliendo for di e interes di 7 porshento y mas e gastonan pa mantencion, seguro y tur otro gasto, ta yega na e cifra di 55 florin pa meter cuadra. Tin biaha e prijs ta muestra mas caro, pero si wak e calidad di edificio y e cantidad(5) di edificio e prijs no ta exagera segun e manda-



Minister di Infraestructura Benny Sevinger

tario. Awor aki ta dependiendo di e interes cu ta bay haya, cu e prijs pa meter cuadra por reduci.

TRASPASO EDIFICIO

Gobierno tin un standard di pago pa huur di 25 pa 28 florin pa meter cuadra, depende di e calidad di e edificio. Eynan ta papia di un edificio di tercera persona. Kisas e persona ey a paga banco caba y e no mester paga banco of e inversion cu SOGA mester paga na interes. E edificionan ey no tin seguro, mantencion

y no tin obligacion manera e construccinonan awor. Esunnan cu a caba di traha un edificio recién y mester bay paga banco, no ta bay huur cu Gobierno na e prijs di 25 of 28 florin pa meter cuadra.

E mandatario a indica cu e edificionan aki ta keda di SOGA y despues di 25 aña ta bay sinta na mesa pa wak con e edificionan aki ta bay keda traspasa pa Gobierno of si ta bin un otro sistema. Esey ta algo cu ta bay keda palabra aki 25 aña na momento cu e acuerdo keda cla. □